



五

73055

73055
=5

武夷山志卷之十一

東魯衷仲藹編訂

五言律

武夷精舍

宋朱熹



一室空山裏
纖塵迥莫侵
若非同臭味
誰肯遠過臨
健策凌丹壑
清詩動玉琴
谿邊一回首
平地足崎嶇

問明仲游武夷日

宋劉子翬

兀兀聽涼雨
開門雪漲川
獨行楓葉底
秋興雁行邊
老去無多事
閒知有勝緣
何時縱僊舸
我亦願周旋

游武夷

宋楊億

霧嶽標真牒孤峰入紫氛
藤蘿暗僊穴猿鳥駭人群
古栢千年在懸流萬壑分
漢壇秋蘚駁曾祀武夷君

武夷

宋林希逸

傍晚拏舟入身知在畫圖
石平疑削玉湍急見跳珠
僊蹟迴環是峰名轉側殊
竹間人指點俱識有先儒

武夷

宋趙時栗

千古武夷山來尋九轉丹
雲封拜章石月洗步虛壇
白玉何勞煮丹霞自可餐
未窮溪九曲賴有畫圖看

萬年宮贈江羽人

宋翁合

武夷竒絕處水碧更山丹
觀闢南唐址祠仍西漢壇
山禽甜午夢野菜健晨餐
道士江冲一新詩有集刊

謁朱夫子祠

林天瑞 二首

天上有明月人世苦昏昏
山色無今古谷雲常吐吞
微言誰與析妙理獨難論
萬樹秋風老先生道自尊

武夷

長卿非慢世陶令已辭官
解組投蓮社蓬人戴鶻冠
青天不可問白髮若爲看
偶遇壺丘子飯心就大丹

會真觀

元薩天錫

艤舟山水間借宿會真觀月掛水晶簾風吹紫霞幔
鷄犬過雲中笙樂度天半傳語武夷君酒熟幸相喚
五曲

元徐和

平林山雨歇天柱眼中明峰合疑無路溪流忽有聲
石門秋月冷鐵笛野霜清松竹何人問蒼蒼萬古情
謁武夷宮

元劉侃

二首

問訊丹霞老登臨紫氣重古壇餘漢祀遺蛻有秦封
幔影峰頭樹泉聲雲際鐘霧風儻可借吾欲駕蒼龍
峽口回望幔亭諸峰

春陰翻碧嶂花氣繞芳洲卻望虹橋上蒼蒼雲水稠
天蟠九曲水山矗五城樓何事秦皇使遙從海外求
登玉女峰

明高孝忠

遠伴金門客來登玉女峰雨看諸曲漲雲望四山封
但得玄中趣何須物外蹤別君從此去僊路駕蒼龍
一線天

明張時徹

谷轉霧泉出雲開玉樹連層巒摩日月峭壁漏青天
路以誅茅得居因僻地偏平生好幽勝到此更情牽

水簾洞

明何其漁

一入清涼境全消三伏炎銀河飛作練香雨散爲簾
影碎流丹鳥寒凝射玉蟾瓊宮瑤室裏疑是有鮫潛

武夷山居

明藍智 二首

嘉遯依巖穴清齋飯蕨薇花源隨水入茅屋共雲歸
夜鼎芙蓉水秋山薜荔衣沙頭雙白鳥知爾解忘機

陷石堂

萬壑分雲樹雙崖共石門乾坤山寺改風雨艸堂存
野水通樵徑林花覆酒樽山舟自來往清景似桃源

天壺

明楊仕侗

壺裏乾坤別神僊自有家巖高擎日月地古鎖烟霞
鍊笛一聲響碧桃千樹花風燈與泡沫回首總堪嗟

武夷

明章袞 二首

白浪翻丹壁清風吹翠條道人頰漱玉羽客善吹簫
王子來何暮張僊去已遙鹿門還落落孤負紫芝苗
其二

落日千巘靜孤雲半壁浮鳥鳴雙意合龍蟄一潭幽
林館經年夢蓬萊此日游王維如可作泚筆共僊舟

接笋峰

明蘇濬

日上孤峰出居然紫翠懸知希從我貴獨立耻人憐
雨過煙如積巘深花欲然却尋丹洞去長結靜中緣

游武夷

明勞堪

六六武夷峰峯頭翠萬重臺虛丹竈冷幔捲白雲封
鐵笛橫吹月天風度遠鐘儻逢洞空子携手跨飛龍

小桃源

明閔齡二首

曲磻密通津桃花夾岸新源幽迷釣艇洞宵隔僊塵
桑柘秦分畛衣冠漢制民孤邨人代異彷彿武陵春

宿接笋峰懷汪劉二高士

雲氣擁山青丹梯接隱屏何年人化鶴此夜客爲星
虫網留題壁塵封對奕亭亂峰三十六何處覓精靈

三入武夷紀游

明史繼偕

駐馬尋幽約山行一徑斜如何臨客路便自入僊家
羽士供來酒樵兒採得茶庭前生桂樹茲已見三花

陷石堂

明徐燾

緣溪下復登山色翠層層洞以水流關石從雲壓崩
落花寬臥艸空樹腹吞蕨漸覺非人境風光近武陵

小桃源

陳介夫

溪行四五里漸入小桃源曲澗穿松塢危橋度石門
桑麻三月雨鷄犬幾家村倚棹西崖下脩然隔世喧
馬頭巖石室懷張鍊師

謝肇浙 二首

石室倚巖隈松門鎖不開僊遺蟬蛻去人問馬頭來
草沒堦前地牀滋雨後苔丹臺雙白鶴猶逐紫雲迴
杜轄巖

路出諸峰外門開流水邊數椽栖洞屋一帶隔溪烟
雨漲巖頭瀑泉滋石罅田蕭然車馬絕鷄犬亦成僊

馬頭巖題吳子禎道士丹房巖瘞其本師張凝

庵蛻

明徐 燝

曲徑迴松竹聞鷄識遠村山晴常曬藥日午不開門
道煉形神妙師遺蛻骨存丹房依列嶂寧用鑿雲根
雲窩贈陳司馬

明曹學佺 五首

五曲雲深處叅同注幾篇盤分僊掌露牕落隱屏泉
鍊笛山前月丹爐石上烟何如辭漢主長揖赤松年
水簾洞

天際看泉落何如削玉屏亂飛孤澗雪平散一池星

武康山志
六
鮫淚沾衣濕龍湫掛幙腥飄然澄徹界遠映數峰青
春暮游武夷

小嶺登偏疾危橋度信遲水耕欲動石亭柱寄生枝
谷口雲如故泉源竹屢移風光應上代但說是秦時

其二

歸舟半夜月寂寂萬年宮兩岸欲深合前山如不通
寒星印沙白林火雜花紅笑殺幔亭宴人間曲易終

其三

峭壁不可越登攀費折旋孰知接筭路卽在隱屏前
石上松梯疊峰頭水碓懸天游已自樂何必慕飛僊

游武夷山

錢行道 三首

鸞鷲天中起芙蓉掌上開真人駭鶴降神女獻花來
簾挂晴空雨濤轟臘月雷不須過弱水躡屩訪蓬萊
其二

蘚滑磴難梯嵐深路易迷嶙峋千尺笋屈曲九迴溪
瑤草眠青犢珠林唱碧鷄僊家無旦暮幾日自東西
其三

斜陽宜晚對飛翠滿崢嶸好鳥渾相識竒葩莫辨名

臥遊曾入夢延覽重含情未卽完婚嫁猶然愧向平

過溪至萬年宮歷舟上天游

明鍾

惺

五首

丘壑最深處不離衢路間靜喧爭一渡次第入諸山
流去峰相顧舟停石所攀回看溪未遠車馬幾曾閒

其二

登山從水始此理有難言一棹聲將沒孤峰影若存
不須將某處定以屬何源曲直成單複牽攀變客魂

雲窩

溪山將半意止此意何如蚤入高人眼先成靜者廬
筍茶隨所取妻子可同居井竈猶堪問鳩巢借鵲餘
仰接笋峰不得上

亦識險將盡到時心自寬斷連無百尺俯仰若干盤
自嘆來偏晚非關獨上難却思登岱日垂手步層巒
宿虎嘯巖

若比天游宿高深漸不同置身星月上濯魄水煙中
登涉頻勞目眠餐可息躬明朝仍理楫往返此山中

重泛武夷遂窮九曲之勝

明張于壘

三首

洞庭猶未隔往返此間行雲影浮常碧波光淺亦清

有峰皆異態一石或雙名倚棹逢松籟蕭蕭鼓吹聲
七曲登百花庄六曲城高巖四曲更衣臺宿焉
到處停蘭楫諸峰稱展開大都環水石少許結樓臺
月倚丹梯迥溪穿銀漢迴片雲天柱上鶴馭遠悠哉
游事將終歸抵萬年宮小酌

處處窮靈異良遊豈偶然歌深人不識別去夢猶懸
雨後忽生月巖頭輕着烟携歸霞幾片總入采真篇
丙夜再泛九曲五首
明衷宗周

不盡前宵意今宵復進舟僊凡來去別溪月古今流
倚棹生寒靄長歌起宿鷗莫論夷共險拚到水之頭
其二

水迴山便合一曲一乾坤玉女雲鬟濕僊舟夜壑存
波心皆印月峽口總爲門噉蔗茲游侶尋常安足論
其三

溪景看無極山花總可憐天香風外度丹嶂霧中懸
漁火沈波小蟾光貌扇偏寥寥塵事斷如在混茫前
其四

萬竹孤亭際寒燈未掩門天游明日事水宿此中村

武夷山志
沙白偏留月灘洪不受誼群真何許集我是舊曾孫
其五

落落星辰渺霞光百道流犬鷄田舍曙原隰稻花秋
未遂棲雲願聊爲獵勝游桃源存古洞天意總悠悠

崇邑郊外望武夷

明曹惟才

三首

武夷好山水幾載夢魂間吏事纔乘暇僊緣恰未慳
溪光環漾壁峯靄幻成爛未到棲真處塵心已半刪
石鼓村渡溪入武夷

佳山夙所好渡口便忘餐竒態誰家盡清音何處彈
石房藏秘籙雲竇鍊真丹搜索千秋事寧將遊冶看
以武夷紀游諸作寄衷穉生

君學貫丘索堪爲諸史臣名山漢篆古妙墨晉人新
石笈誰司鑰雲航此問津沾沾訂合社長醉武陵春
活水洞觀董司空記

明徐延壽

觸暑携雙屐行行不計程磴高間着步泉細暗流聲
雲吐千峰暝天開一穴明司空棲息處石上有題名
陪卓真初老師天游觀宴集

明暨慶

不作登臨想翻從杖履遊峰環疑地縮水曲恍杯流

武夷山志
小洞斜穿竹層崖更設樓坐遲山月上清碧一聲幽
新霽入武夷
明蘇茂相

長途淹積雨爽氣忽今朝勝具吾何減山霧或見招
雲鬢臨寶鏡芝蓋下虹橋親授長生藥森森白玉苗
獨善堂
明熊之璋
二首

雅負匡時畧如何老一丘舉朝方泄泄行路總悠悠
遂抗冥鴻志閒隨野鹿游我來千載下芳躅尚堪求
謁純陽祠有懷葛屺瞻老師

玄館倚天開天風兩袖來遺容瞻儼雅麗藻見昭回
已覺非人世渾疑接上台師門竟何處搔首重徘徊
雪後舟泊武夷
明藍誠

泊舟青嶂下回首翠微間殘雪孤村樹歸雲何處山
石門無犬吠松逕有僧還書劍空漂泊山林未得閑
待月天游閣
明徐時泰

黯淡今宵月凭欄且夜分畫圖宜隱見烟靄互氤氳
遠火林中出疎鐘巖下聞自然幽意愜不用掃浮雲
碌碌金巖訪一丘老
明張蚩蚩

碌碌人間世冥鴻却羨君竹光浮午夢松韻入南薰

武夷山志
大巧還天地幽栖自水雲偶來

清福可容分

武夷山志卷之十一終

武夷山志卷之十二

溫嶺衷仲孺編訂

七言律

武夷紀游

宋陳襄

萬疊層巒接遠空
瑞雲晴靄氣溶溶
高於太華五千仞
秀出巫山十二重
蕙帳曉寒孤鶴怨
桃源春盡落花濃
鳳鸞一嘯最深處
僊客樓臺何處逢

幔亭峰

宋李綱

宴罷虹橋絕世氛
曾孫誰見武夷君
更無裊幕空中

舉時有笙竽靜處聞猿鳥夜呼千嶂月松篁閑鎖一
溪雲洞天杳杳知何處翠壁丹崖日欲曛

武夷紀游

宋楊時

濃淡煙鬟半雨晴溪光初借晚霞明鰲頭湧出三峯
秀天漢融成一鑑清扮社有誰藏舊牒賓雲無處問
遺聲幔亭寂寞僊何在勾漏丹砂早晚成

游武夷山

宋劉子翬 四首

回薄湍頭望翠岑東風一舸縱幽尋幔亭落日笙簫
斷毛竹連雲洞府深似有碧鷄翔木杪誰將丹鶴寫
巖陰神僊可學非身外多少遊人浪苦心

同詹明誠傅茂元游晞真館有詩因次其韻

橘柚紅垂古觀秋歸途邂逅得尋幽晴莎散策隨山
遠夜月回船信水流勝處無詩端可恨他時有酒更
來遊相陪二妙生平友老矣襟期共一丘

致中招原仲游武夷却寄

病暑冠裳與體忘一毫幽僻得深藏微風時度澗光
活殘日忽無山氣涼但想子綦方隱几終慚南郭漫
連床何時九曲尋幽事舡尾應須看漫郎

武夷山志
致中相拉遊武夷有六耳不同謀之語原仲和
章意似未平也因次原韻

年衰漸涸玉池津擬丐明牕一七塵底用趨風防六
耳須知對影已三人高情政喜追靈運飽學那容欠
大椿右挈左提俱有賴應憐懷抱久傾困

武夷紀游

宋葉夢鼎

重來襍被叩雲扉僊夢先從九曲飛三十日前堅有
約半千里外較遲歸已呼漁艇安茶具更着羊裘伴
羽衣洞裏溪山煩指點若爲僊竈若爲磯

武夷紀游

宋林 嶠

武夷山樹曉陰陰無數長岑接短岑怪石月沈蒼虎
立老松風起黑龍吟小舟洞口流泉急斜日溪邊落
葉深我欲幅巾携杖去數椽茅屋傍疎林

冲佑觀卽事

宋白玉蟾

月移花影步牕外風引松聲到枕邊長劍舞餘烹茗
試新詩吟罷抱琴眠酒醅初撥青螺臚香篆常燒紫
馬鞭九曲溪頭冲佑觀清虛堂裏有神僊

天游峯

宋劉 邊

武夷山志
紫翠飛來石蕊間何年幻出小瀛寰壁懸瘦瀑疑千尺峽束寒流恰水灣蒼壁向人如有待白雲何事未知還酣歌更挹浮丘伯坐對中臺話半閒

幔亭

宋黃希旦

幔亭秋露鶴聲長獨上僊壇夜久涼明月照開三島路冷風吹落九天香青山綠水年年好自髮紅塵日日忙休問人間蝸兩角無何認此白雲鄉

接筍峰

宋丘攀桂

天下名山說武夷高峰晴樹碧雲齊望窮石頂疑無地行到山根却有梯茅屋有村多十隱草書懸壁半畱題幾時掃斷虹橋路一葉漁舟九曲溪

游武夷

宋葉采

六六峰前碧玉流經行復此駐蘭舟喚回三紀神僊夢直上九霄雲關游但恐塵勞添白髮政須高舉訪丹丘歸來世念如水釋更取叅同讀幾周

謁隱屏書院

宋熊禾 二首

五月涼巾陟翠微竹枝香露濕人衣雲行老樹青猿過雪落長溪白鷺飛僊逕好花愁急雨同亭芳艸怨

斜暉我來只欲平林去細扣先生玉版扉

咏隱屏精舍

大隱東南第幾峰我思論學武夷翁春秋辭義今如
昨文獻風流已不同陽欲復時宜靜候道當窮處有
時通先生若有觀梅約好把詩篇和渚宮

止止庵

宋詹琰夫

小結茅庵倚薜蘿主人心事定如何春風枕上邯鄲
夢夜雨燈前雲水歌歲月不堪頻把翫山水未害小
婆娑年來欲問長生訣止止庵中養太和

舟泛九曲

元徐仲達

楓葉蘆花兩岸秋幔亭高影落中流乘舟偶托山陰
興泛月何如赤壁遊野鶴不知天外老一尊都散古
今愁此行清絕憑誰記付與滄浪兩白鷗

萬年宮望幔亭

元馬 臯

南游得見武夷山萬壑千巖眼界寬蓬島海枯鰲極
斷幔亭峰近鶴聲寒瓊樓金闕開唐址蒼苔白雲封
漢壇千丈雲梯如借逕蟾宮攀取桂枝還

蒼屏巖

元林 方

頡頏霞佩久踟躕峭壁凌層駕紫煙天下名山無此
境世間何地更尋僊雲迷古洞還丹室鶴護僊家種
玉田我欲携書來此隱蒼屏峯下弄雲泉

南山書院

元范心遠

路入青溪第二灣東風猶自逗餘寒白雲粘地掃不
去黃葉戀枝吹未乾沙上濕痕誰涉水天邊長嘯獨
憑闌道人酒意無醲薄飲盡携琴月下彈

登僊巖

元沙子中

二首

高處星辰可摘攀携樽聊共一開顏白雲起處山無
數流水灣頭屋幾間無語洞花相掩映忘機林鳥自
飛還何須再問蓬萊路此是僊家第一關

其二

武夷別是一區寰咫尺蓬萊手可攀一葉輕舟九曲
水數聲啼鳥萬重山雲崖天近嵐長濕石洞春深蘚
自斑莫道僊凡相去遠幾多蛻骨在巖間

再入武夷

元范師孔

幾與溪山絕世緣重來猿鳥只依然懸崖野瀑飄成
雪近午嵐霏暗盡天水向未疏須認禹山如深入定

逢僊洞中石鼎烹雲處此夜還來借榻眠

隱屏精舍

元陳達叟

兩面青巒一水分箇中還是舊乾坤巖前空有千年
蛻山下人知幾代孫峰列九霄僊所宅溪廻五曲道
之源紛紛秦漢一場夢景行高山萬古尊

天游觀

元蘇秉鈞

手扶瓊杖下雲邊一笑天宮眼豁然人駕青鸞歸洞
府客乘白馬度寒煙亭亭丹桂凌霄漢曲曲清流遶
石泉試問僊翁歸去後大還丹藥有誰傳

武夷留題

元劉公孫

石洞秋風一咲歸水縈山合兩相持人言曲曲秋偏
好我愛峰峰雨更奇鋏笛不吹空有月幔亭同宴又
何時天荒地老無窮意未許青松白鶴知

題武夷

元楊堯善

盡說東南第一峰武夷端與畫圖同幔亭烟幕凌霄
紫玉女霜花照水紅漁父歌殘溪澗冷仙人蛻久洞
巖空車塵馬足何時已安得誅茅深翠中

一線天

元李公璧

武夷山志
地老天荒幾變遷武夷猶是舊山川週週一百二十
里流峙幾千萬億年換骨古來面有蛇烹茶人去灶
無烟絕憐水盡山窮處尚有微茫一線天

武夷春泛

元余善同

武夷深處訪真仙仙跡微茫不記年砍竹引泉歸藥
圃開籠放鶴下芝田百花庄外三杯石九曲溪頭一
線天總是春風行樂地不妨載酒更移船

武夷山

元薩天錫

三十六峯飛翠寒手攜玉杖叩玄關神仙曾到有遺
跡天地黃來無此山木杪樓臺浮海上月中笙樂奏
雲間天宮借得寧王笛騎取蕭郎赤鳳還

題武夷

元杜本

天下名山此最奇溪潭澄徹路透迤塵埃滾滾終難
到樓閣重重未易窺况是高人能閱世儘多勝處可
題詩十年來往追尋遍似與山靈有夙期

再宿天游觀

元楊士輝

石磴穿雲躡翠苔昔年曾記此中來乾坤一覽衆山
小河漢分流兩道開巖鳥弄風秋已老野猿啼月夜

武夷山志
猶哀凭高不盡古今意霜髯蕭蕭行色催

城臯巖小酌

元常允恭

溪上春深花亂開山中無處着纖埃歷將王霸從頭
數幾見神僊換骨來石湧白波驚灑灑瀨雲開丹壁卽
蓬萊道人酒熟能招飲野褐重來更莫猜

武夷

元胡一中

蓬島不勝滄海寒巨鼇擎出九泉關洞中靈恠十三
子天下瑰竒第一山桂檝浩歌蒼靄外幔亭高宴紫
霞間以茅自斲詩人骨何必神仙煉大還

武夷紀遊

元車東

總說昇真意豁然此行卻喜結僊緣步穿空翠雲生
脚你看飛流雪滿肩控鶴不來春寂寂卧龍無底月
娟娟飄然便作乘風想不待丹成到九天

城臯雙梢竹

元謝宗可

競秀亭亭一種竒駢頭曾脫錦繡兒西山二子情依
舊湘浦雙娥影竝隨高節元非連理樹虚心共是傲
霜枝莫教移作仙人杖恐化雌雄下葛陂

贈杜清碧

元范德機

武夷山志
徵君家住武夷山白鶴玄猿夜扣關船泛清冷凡九
曲屋分丹碧只三間世人往往知名姓仙子時時定
品班孔壁秦灰天未喪幾多魚豕待重刪

憶武夷

元孟惟誠

碧水長涵太古春丹山猶憶武夷君仙人樓閣層層
石玉女衣裳片丘雲浮海靈槎巖上見懸空機杼月
中間相傳絕頂無人到漫有藤梯掛洞門

大隱屏

明張大倫

金風香散桂花秋仙界冥探事事幽倚棹有時臨大
隱披雲亦復上天游千年鶴馭今何在當日半山亦
浪憂五曲考亭祠下水直應江漢與同流

游武夷

明徐中行

四首

振衣秋色起嵯峨萬壑千崖一棹過峰落鏡中開洞
府槎浮樹杪出天河境遺五嶽登封晚海接三山秘
檢多他日掛冠如此地扣舷處處好高歌

其二

扁舟載酒任逶迤路轉風迴面面奇絕壑乍疑塵世
隔澄潭更與暮秋宜風吹簫管千山應瀑帶藤蘿百

武夷山志
尺垂十載武夷饒撫掌塞帷三過一題詩

其三

檻外三峰列翠屏武夷絕頂此明庭溪通銀漢星辰
濕山礙高天日月停尚有殘霞垂碧落忽看孤隼破
青冥若非闕尹占真氣誰是東方是歲星

其四

陡壁雙開澗道幽提攜賦客泛清秋平移鰲頂千峰
立倒寫銀河九折流王女飛來霞作障僊人臥處石
爲樓共知超覽天游盡更躡虹梯到上頭

碧霄洞

何元述

三仰峯前矚碧霄谿谿石室望中遙縈迴磴道披雲
上願盼仙人跨鶴招白日洞天無俗轍黃精山雪長
新苗憑虛九曲歸眉睫灑氣蕭森近次寥

送願山人游武夷

明汪道昆

爾從滄海杖青藜又向丹丘問紫芝雲散仙翁邀客
處雨來玉女洗粧時振衣空谷遙聞籟倚棹中流坐
詠詩明到幔亭成獨往好將瑤草寄相思

武夷道中寄山中道友

明藍 誠 十首

舟山碧水漾晴暉。盡入經行徑路微。野老築場收稼
蚤。溪翁舉網得魚肥。青天萬里飛雲盡。黃葉千峰獨
鳥歸。爲問西山彭道士。月明今夜叩柴扉。

武夷荅鍾愈憲

東南壯觀武夷山。一棹秋風九曲間。仙樂鳳凰來石
壁。人家鷄犬隔松關。蓬萊雲氣中天見。河漢星槎八
月還。信有金丹換毛骨。且將勲業靜人寰。

其二

萬壑天清水葉乾。早梅花發拂雕鞍。霜隨使者觀風
節。月過仙人禮斗壇。鳳去絳雲蕭韻遠。龍歸滄海鱗
光寒。石崖俯見扶桑日。一枕游仙夢未殘。

寄余復嬰鍊師居玉蟾丹室

湖海歸來挂一瓢。玉蟾丹灶待重燒。內經黃帝留針
訣。三品神農辨藥苗。楓葉漁舟波澹澹。茶煙禪榻髮
蕭蕭。高秋擬借峰頭鶴。共爾吹笙向泖寥。

同袁景升游武夷

青鸞白馬墮蒼茫。古殿荒臺轉夕陽。山雜雲霞開錦
綉。洞鳴風木合宮商。滄溟又見桑田換。石室徒聞玉

此日又
雨後句脫
不而此教
以情望乘
日月上又

東藏野艇喜聞山簡醉。月明漁唱起滄浪。

幔亭峯

兩崖離立陰陰然。上有喬木高參天。僊家樓臺雞犬
靜。石潭雲霧蛟龍眠。漁人樵子時相見。水鳥山花亦
可憐。九曲棹歌誰和得。千年遺響墮蒼煙。

過杜清碧故宅

荒徑頽垣蔓草區。眼中人世古今殊。朱門五馬先朝
貴。白屋三徵此日無。松竹不堪論舊事。山林何處託
潛夫。月明誰唱滄浪曲。欲問漁舟不可呼。

寄武夷張郭二山人

天壺峰頂日月轉。星渚橋畔雲煙垂。青溪道士騎黃
鶴。白髮老翁歌紫芝。濁酒欲謀它日醉。丹砂須作後
天期。塵埃滿眼不歸去。洞裡桃花空夢思。

賡張宗翰舟過武夷述懷

二首

丹霞白鶴洞仙宮。絕頂當年避地同。春雨磯頭憂巨
浸。夕陽林下叟殘缸。先機自合乘槎去。投老方驚墮
甌空。九曲棹歌期再聽。寄聲鷗鷺少從容。

荒榛滿目故儒宮。憶昔風雲樂趣同。年代已隨川上

水文光無復斗間虹黃埃赤日遮平地高石層陰起
半空昨暮維舟西渡口濯纓猶勝抗塵容

擬登武夷昇真洞不果

藍智四首

三十六年懷此山重來白髮換朱顏庭栽松樹參天
長舟逐桃花失路還人世又經滄海變仙家長與白
雲閒丹爐倘許尋餘藥蛇骨蒼崖翠壁間

次雲松訪復嬰宿萬年宮韻

間道尋仙叩洞門清溪古木路斜分桃花滿地飛紅
雨橋樹高崖漲綠雲誦罷先天煙篆冷夢回斜月玉
壘聞高秋也欲扶衰老共候山中白馬君

平林精舍同劉彥炳賦

平林五曲草堂存松桂春陰護石門六籍文章兼迹
作七閩師友自淵源塵埃遺像衣冠古風雨殘碑篆
刻昏幾欲遡流詢絕學青山相對已忘言

過杜清碧故宅

濟時共惜卧龍才三詔頻煩顧艸萊宅近青山惟廢
址書藏壞壁有殘灰當年奏藁何人見落日寒鴉共
客來世事推移遺老遠松風澗水有餘哀

謁文公書院

明羅倫

漢祀壇荒鶴不回，浪轉仙骨換凡胎。
壑舟棹朽蒼厓，蘇丹灶燼潯劫灰。
天鑑有池非弱水，幔亭無路透蓬萊。
空餘五曲淵源派，萬古朝宗碧海來。

宿冲佑觀

明陸杲

踏破蒼茫一逕雲，山中來謁武夷君。
丹爐已冷當時火，玉簡猶存往代文。
峰影亭亭皆直聳，溪流曲曲自平分。
神仙只隔虹橋遠，笙鶴天風午夜聞。

九溪漁父

明江騰鱗 三首

九溪深處似嚴灘，渺渺風塵白眼看。
葉艇頻隨幽障出，茆房空掩落花間。
芙蓉衣上雲千片，楊柳磯頭月一竿。
釣罷瓦餅曾共醉，滿身露冷不知寒。

懷僧病雲

衲衣曾禮武夷君，偶爾相逢曲水濱。
賈島逃禪終愛酒，維摩卧病只因雲。
寒潭一鑑搖秋色，落葉千林鎖夕曛。
天外故人吟有句，月明好入定中聞。

劉道人曲水

鍊笛溪頭夜落梅，絕憐塵慮冷如灰。
一生關意非詩

句幾度墻頭過酒醅潦倒拚成山水癖迂踈一任暑
寒催生平雅有誰同調相訪多從月下圓

言游武夷道中撫景因憶往年尚賓呂公天台

之約

明徐渭

巖壑千重路轉偏春陰漠漠帶炊烟困投野店聊呼
酒咲問名山數舉鞭籠鳥對人暄曙色桃花臨水弄
新年多情忽憶天台約歸去應尋剡曲船

重游武夷

明周宣

十年游跡偶重尋遠色蒼然破曙陰瑤草細添溪影
淨紫霞高擁洞門深玉笙不寫人間譜玄鶴能傳雲
外心欲倚舊吟還自咲懸知來者亦如今

九曲晴泛

明江山

宿雨初收水繞灘掉輕舟入九溪灣層層曉樹浮蒼
靄曲曲晴峰擁翠髮人立斷崖知有路雲堆深谷似
無山一聲長嘯壺天杳疑是游仙跨鶴還

尋武夷舊游

茅屋曾居憶此中白雲滿地紫苔封月明水洞花千
樹鶴舞瑤臺山萬重一去紅塵迷客路重來丹灶覓

仙蹤佳人播艇溪邊至載酒同尋六六峯

天游觀

明張時徹

絕壁欽崎路百盤凌風獨上駕青鸞山人自飽青精
野客新裁紫籜冠千澗流霞迷谷口萬峯飛雪灑
雲端金鷄玉女知何處芝草琅玕白日寒

武夷

明柯潛

疊疊青山面面尊煙霞為宇石為門瓦棺駝骨由秦
漢苔筆題詩盡宋元人世屢更新歲月仙家猶是舊
乾坤黃冠羽客垂垂老知是錢鏗幾葉孫

九曲泛舟

明聞人詮

天涯踪跡幾名山鹿苑鷺峯日往還山色獨憐溪上
好風光真覺洞中閒漁舟刺水坐來穩鶴馭梯雲去
莫攀返照入江樽欲罄不知九曲是人間

萬年宮讌集聞警遽別

明王杼

素心久負碧山期容與扁舟問武夷犬吠白雲驚笑
語馬嘶落日見旌旗峰頭玉女空相望劍外風塵祗
自知此去洞天還杳絕桃花流水繫人思

武夷秋泛

明萬虞愷

何處名山愜勝遊。武夷烟景故相留。金鷄報罷千巖曉。鏡笛吹殘九曲秋。神女插花雲拂鏡。仙翁倚棹壑懸舟。紫陽晚照澄潭淨。欲向滄浪理釣鉤。

萬年宮壁題

明張謙

洞簫吹徹紫霞宮。九曲仙源竟莫窮。十載支離滄海外。幾年魂夢白雲中。壇空影落藤蘿月。夜靜聲傳松竹風。明發征車復前路。何時幽谷謝塵蹤。

武夷謾詠

明林萬潮

千里乘槎入武夷。十年幽夢負安期。獨攜避世盧敖杖。來詠游仙郭璞詩。玉女峰頭秋月吐。金鷄洞口曉雲移。不須萬丈飛霞頂。控鶴人歸復幾時。

雨泛九曲忽霽欣然成韻

明黃懋官

雨過峰巒翠欲流。風吹落葉碧潭秋。掉迴溪曲通孤嶂。樹擁山堂出小舟。白鶴青牛人已遠。金龍玉簡跡還留。分明自有尋真路。大藥何須海上求。

武夷謾興

明金應龍

竹杖芒鞋得意游。丹山碧水倩詩酬。鏡臺光照千峯曙。風洞寒生六月秋。松外鶴聲孤客夢。月中篔簹影一

漁舟欲知仙學非虛習真蛻今猶坐石頭

水簾洞

明黃庭

峯頭今古洒淋漓萬縷千絲散又齊
羸女去垂紗幕冷天孫下織玉梭
低輕雲濕接蝦鬚亂薄霧寒籠翠羽
迷惆悵卷舒人不至黃昏山鳥隔煙啼

游武夷

明王守仁

肩輿飛度萬峰雲回首滄波月下聞
海上真爲蒼水使山中又遇武夷君
溪流九曲相諳路精舍十年始是篇似非先生得意之作然其理學勲名彪炳千古一斑政未足以繫全豹也

及門稍待還家慰垂白細探更擬在春分

謁止止庵白真人祠

明汪麗陽

杖屨飄然海外來平生蹤跡遍崔嵬
琪花瑤艸隨時採紫府瓊樓次第開
丹灶尚遺玄谷石茆菴猶傍白雲堆
裏腸欲對虛靈訴月冷空山猿鶴哀

天游觀

明傅汝舟

五首

環壁群峰夾路生百花千竹引人行
瞑蟲食葉聲疑雨澗碓翻泉響似更春
在客中偏易暮世於方外亦難輕
因思少小瑤華洞搖落他山空復情

鐘模石

石為鐘鼓而巖開。上有金銀五色。臺丹戶。月生鷄犬。見絳壇雲。合鳳凰來。玉騫共信。浮空至。徐福虛疑入海。回謾倚高。曼思往事。夜深涼露使人哀。

文公書院

遠上齊雲風色昏。却依秋日望乾坤。西京自造中興室。南渡誰開偽禁門。一代君臣稀會合。六經師友細評論。巖樓未遂平生計。歲晚徒銷獨客魂。

杜清碧故宅

不見平川杜伯原。社煙村靄自朝昏。徵君故宅遙相問。去國微言竟莫存。世亂冠裳終草莽。年深鄉井少兒孫。清江碧嶂愁看汝。夜雨寒燈獨掩門。

登仙巖

登仙臺下訪仙儔。倚樹迷花迥遠丘。雲石倒隨飛鳥墜。風泉低壓斷虹流。年華宛轉僊家駐。物色迢遙地主求。瓊瑤此中如可遇。同吹鉄笛萬峰遊。

五曲書院

明丘雲霄

隱屏日薄孤亭晚。風急濤聲起翠林。雲濕千峰寒錯

加煇染
也乞之現

日星昭
格調全
唐遂不
見詩之動

有他學

竹掃少後
者事畢
之要自己
之面

武夷山志
落月明萬壑獨憑臨山中歲候青鞋老天上樓臺紫
霧深幾度武陵迷路客桃花流水亂溪澗

過武夷未入

明謝廷家

自入三山問武夷擬尋絕勝一開願那知浮世塵難
斷已到前山馬復馳返照忽來天外景停車徒覺望
中竒應知阮籍同吾志何日峰頭共採芝

一水精舍

明陳省

我傍天游爾幔亭曉來分得萬峰青脉從一水詢宗
派溪向初流映德星飛夢長隨丹鳳關忘機暫狎白
鷗汀主人未遇何須問半榻閒雲伴醉醒

接笋峰

明屠

隆十四首

孤峰兀立與天齊迴合諸山四面低賴有藤蘿緣翠
壁却愁苔蘚滑丹梯飛仙深夜乘風下羽士經年絕
粒棲便欲攜家來住此荆人已學葛洪妻

三姑石

雲鬟高處鬱嵯峨縹緲三姑媚薜蘿耻學麗人梳墮
馬將無大士儼堆螺春來花助仙鬟勝雨後烟添黛
色多休認楊家諸姊妹洗粧久已任巖阿

攬石峰

磴道千盤割大荒。遙看一氣但茫茫。仙牀聊借雲爲幄。丹室天然石作房。煮藥白空松葉暗。摩崖字滅蘚紋蒼。磐陀智得雙跣跡。冲舉何年鶴背翔。

北斗峯

山是仙人禮斗壇。遂令山作斗形看。身中沆瀣九霞珮。頭上芙蓉七葉冠。挹取天孫河水潤。酌來帝女玉漿寒。道人原自台星謫。撫景傷心淚泛瀾。

大藏峯

峭壁撐天闕。石扃仙人于此貯。丹經神砂千載泉。猶赤靈藥三冬草。自青夜靜時聞龍。遂響月明還見鶴。驂停到來不是清齋客。多恐風雷動五丁。

車錢峰

爐鼎乾坤手自操。牛車搬運不言勞。曾聞許史銀條脫。又見皇娥金錯刀。生咲季倫終自散。總輪夷甫不言高。仙人委棄應無用。何限青蚨沒野蒿。

昇日峰

鬼魄西沉河影斜。天鷄叫徹上清家。氣蒸大地開峰

武夷山志
三
瞑光射扶桑散海霞沐首仙人晞綠髮臨爐羽客曝
丹砂山中隱者眠初醒花影參參上綺紗

上仙峰

拔宅何年上太清鳳車龍輦踏空行許家忽墮遊帷
影王老猶傳打麥聲海日曛曛明羽蓋天風颯颯泛
瑤笙可憐幾度曾孫老城郭山河亦屢更

隱屏峰

彩雲一片映長廊曉霧齊寒繡幙張隔嶂時聞仙子
樂倚花遙見美人粧乍驚陡削迴松峯石磴陀陀用

竹房羽士拜童脩醮事親教童子炙笙簧

晚對峰

茲峯一旦易佳名宋代高賢結數楹只聽溪聲終日
好誰知山色晚來清霞標巖際餘暉在日落松間返
照明何處玉童吹風管前山又見月華生

天壺峰

千峰迴合一峰孤雲構崔嵬爽氣扶天意直令開玉
界人來真擬坐冰壺虛亭半是長松蓋丹席全將瑤
艸敷更有清泉常不涸冷然相共飲醍醐

天游峰

道人好道復耽幽，登陟言從五曲流。
絕頂輕車行日馭，中峰獨夜宿天遊。
黛含山色千林暝，浪捲松聲六月秋。
齋沐焚香初謁帝，頓忘下界是神州。

凌霄峰

絳霄只尺切彤墀，帝座紅雲不敢窺。
玉女投壺聞語笑，銀河織錦見機系。
中天象緯如相勞，半嶺風雷總未知。
罪謫小臣愁隕越，馮高欲懣淚先垂。

魏王宮

下馬平岡拜魏王，叢祠火冷石爐香。
淒涼碧瓦苔生柱，漫滅丹青土蝕廊。
無恙仙臺山翠律，長生寶籙字輝煌。
曾孫人代經多少，惆悵悲風起白楊。

雨中游武夷

明葉向高

二首

宴罷仙靈香莫拔，不堪風雨妬青山。
桃花忽入窮源去，春水重乘小艇還。
玉簡剝殘秦漢後，鸞笙吹落有無間。
他年更結尋真約，乞得丹砂好駐顏。

其二

群峰朶朶吐青蓮，曲曲溪流帶曉煙。
每恨登臨多對

雨但逢山水卽尋仙十年春艸無游屐三月桃花有
客船正是諸真高會處行雲玉女倍堪憐

游雲窩懷陳司馬

誅茆俯岸陰清流岸口垂楊可繫舟花塲鳥喧方報
客水亭雲在故疑秋青山容易孤臣老滄海驅馳國
士憂一日賜環虛勝賞蕭蕭叢桂若爲留

游武夷

明曹學佺

五首

冲佑丹宮古萬年松篁夾道暗秋烟十二名姓登仙
籍百二峰巒隱洞天控鶴巖前雲冉冉投龍井裏州
芊芊我來重結昇真宅地主難逢魏子騫

其二

青山心賞未應違却爲攀躋是覓歸石筍亭亭天柱
削雪花漠漠水簾飛雲邊玉女臨粧鏡溪上漁郎隱
釣磯千載登臺訪遺跡魏王此日舊更衣

其三

煙霞來往任閑身訪道探玄自有鄰灶煖雲窩陳處
士劍寒風洞白真人依依橘院堪歸隱汎汎桃源好
問津絳節飄緜天樂響玉皇殿下列稱臣

陷石堂

風光疑與武陵同，陷石叢陰路不通。
大吠斷雲喧浦口，水流殘葉過橋東。
桑麻已熟蒼茫外，天地重開混沌中。
莫謂逢秋搖落盡，丹楓千樹勝桃紅。

天游觀

孤峰迢遞鬱崔嵬，客自凌風駕鶴來。
九曲棹歌依水轉，亂山雲影接天迴。
澗邊紫府朝元磬，鳥外層梯禮斗臺。
幾度步虛探寶籙，仙人掌上剔莓苔。

武夷舟泛

明聶大年

翠壁丹崖圖畫裏，輕舟短棹水雲間。
不宗朱子元非學，看到武夷方是山。
竊祿自憐黃髮暮，忘機空羨白鷗閒。
明朝玉女峰前路，臨水插花開笑顏。

初入武夷

明徐燧 六首

道緣爲重世緣輕，榕屬間游豈計程。
九曲仙班邀鶴馭，半空天樂奏鸞笙。
經旬絕粒拋烟火，到處行歌變姓名。
多少函中遺蛻在，不知若個是前生。

萬年宮

萬年宮殿魏王居，瑤艸琪花滿玉除。
壇下餘腥猶漢

代巖頭遺蛻是秦初客從雲水求丹訣帝遣風雷護
簡書我亦曾孫今再世夢中親御紫鸞車

其二

風燈零落夜鍾殘數卷玄經掩不看藥採刀圭還玉
液火留文武煉金丹瑤池月滿鸞笙杳石榻雲深蝶
夢寒斷盡世緣湏及早肯將白髮戴黃冠

接笋峰

絕壁懸崖入杳冥丹房長借白雲扃地分六曲成二
層臺聳千層禮七星暮靄晴飛巖瀑翠秋煙寒隱石

燈青一聲獨鶴醒殘夢卧聽黃庭半部經

天游觀

高臺獨上翠千重吹散嵐煙有鏡龍地種三花元漢
時門扁五粒是秦封雲邊螺髻層層結雨後蛾眉點
點濃倚徧危闌遙極目九環衣帶束芙蓉

鼓子峰

芒屨歷徧翠微巔脩竹陰中別有天洞隱黃冠皆淨
侶巖封白骨盡飛仙石當隙處精廬構路到窮時棧
道懸夜靜焚香同禮拜步虛聲散一爐煙

泛舟至六曲上天游

明商梅

舟行九曲尚留三但遇幽竒卽坐談
看向山前忽山後泊從溪北復溪南
煙浮亂竹迷春徑日落殘鍾起暮嵐
且到天游峰頂宿明朝勝處復同探

仙船巖

明卓有見

幔亭橋斷已多年最是曾孫舉世憐
苦海無邊誰到岸虛舟何事獨凌煙
溪頭漁艇桃源隔天上星槎銀漢懸
說有濟川風信便不愁弱水路三千

雨中登武夷因感舊遊

明謝肇淞

前峰一夜雨潺湲六六溪頭碧幾灣
隨水有花來洞口賓雲無曲奏人間
山樵雉艸驚猿卧道士操舟載鶴還
日月已更雲物異題名盡沒翠苔班

雨憇萬年宮次謝在杭韵

明徐燊三首

溪聲雨色兩潺湲暫駐玄都第一灣
新水漸平深澗曲舊題猶在敗廊間
難攜蠟屐窮千嶂誰識金丹煉九還
花落花開春不帶遊人容易鬢毛斑

憇虎嘯巖

丹室初開虎嘯峰飛泉百道翠千重
雨前石塢收新

武夷山志
卷之十二
探藻七言律
七
茗雲際柴扉掩亂松路絕斷崖通小徑風傳空谷應
疎鐘無人解到幽栖處塔下惟留猿鶴蹤

再宿萬年宮

自與山靈有夙因清溪九曲往來頻聽殘松籟山中
雨問遍桃花洞口津石榻又眠前度客鉄冠難覓舊
游人朱顏易逐紅塵老能幾浮生二十春

萬年宮

明陳祖苞

溪長谷迥主山尊萬樹蒼虬抱觀門龍洞夜沉吟少
和幔亭榻下卧如温漢皇遠祀虛壇敞宋帝祈靈斷
簡存風雨我來備不作當年良勝宴曾孫

武夷四律

明王士昌

四首

九壘危峯九曲灣勝游重此遂躋攀誰披造化寰中
秘刃出神奇海上山天半舟航嵐氣蝕洞門碑碣蘚
痕斑晴霄夜靜聞虛籟疑是群真控鶴還

其二

折筍孤撐一綫微樵青採藥過人稀水源疑悞漁郎
棹石立如支織女機鷺顛千盤凌日起虹橋百丈駕
雲飛雨餘空翠成涓滴半濕游人薜荔衣

其三

人間何處覓方壺清淺蓬萊事有無
瘞骨仙人金檢秘凌霄漢女玉顏孤
微茫幔捲山亭迥斷續雲迷洞壑殊
還憶余家名勝地紫芝白石未荒蕪

其四

草深丹灶冷無煙水面看山謾扣舷
瀑瀉銀河珠錯落花開青嶂錦鮮妍
九華醞斲松枝老三秀餐餘石髓堅
自幸盧敖游興劇名區到處可隨緣

游武夷

明李吳滋

馬頭西逐望舒前弭節登山氣爽然
巘掛星辰天作觀溪流雲漢石生煙
孤峰繞瑞堪通帝削嶂懸縠盡是仙
柱史若從關上度願憑河尹受真詮

萬年宮

明曹惟才

二首

萬年宮殿漢廷餘翠色玄陰遶客裾
去住那分真夢覺春秋幾度小乘除
藤蘿護石晉仙跡棧閣摩空接玉虛
幻質安思隨鶴侶且教跌坐習嘻噓

九曲泛溪

峽裡移舟勢絕竒隨灣指點聽舟師
領頭日落紅沉

武夷山志
玉水面山來青列眉應接不遑廬子杖透迤到處郭
家詩好山不慮無錢買但得游時却是宜

萬年宮答稟穉生以謬艸見貽

遍索巖修不爲名多君竒特壯行旌好懷盡領溪山
妙謬艸渾忘巧拙情自喜玄心珍太樸肯教俗眼而
連城坐中便訂千秋事寒谷聲希春意生

玉皇閣

明畢懋康

芝蓋雲輶謂太微金漿瓊藥駐光輝青牛道士封君
達白鶴仙人丁令威海控三山標玉榜洞連九館啓

屏扉邇來頗悟長生訣欲向玄關御七飛

登鉄板嶂吳若容山房

明張于壘 二首

宛轉丹梯展齒輕徑紆亭寂石池平長橋浮却溪清
淺瘦竹通來鳥送迎筍蕨和雲堪作供峰巒挹檻盡
知名因風隔岫樵蘇唱爲續空中鷄犬聲

虎嘯巖巘

重重絕磴接丹梯斷續中間一壘齊小院依巖開向
背亂峰如浪湧高低風前竹舞醒還夢林抄禽聲笑
亦啼興發還尋山下路僧寮只在片雲西

徐興公欲卜居武夷詩以贈之

六六之間有夙因幔亭遲爾結爲隣五千言就非常
道十二仙班降後身在澗在阿隨去往一瓢一粒佐
清真莫忘此日尋源興孤負桃花片片春

萬年宮題壁有懷

明王繼皋

萬壑千崖一洞天每看題咏倍悽然曾孫舊日留名
輩甲子於今幾隔年碧澗晴流仙掌露丹房寒鎖石
爐烟溪頭鷗鳥峰頭鶴飛去飛來何處邊

游武夷

明何喬遠

溪時秦壇不記年游人還拜十二仙雲崖黃木猶餘
壑寶圃青芝何處田天上瓊芽栽玉露人間落葉噪
哀蟬幔亭峰頂橋雖斷猶可歸來一葉船

謁紫陽書院次呂少恭韻

明陳見龍

見說摠衣拜古祠沾濡采筆謾題詩風雲慘澹人何
處松檜蕭森日上遲抗疏不妨君相忤卜居翻與鶴
猿宜千秋絕學深憑吊振响誰當更後時

晚眺天游觀用呂公韵

明史孔吉

數椽飛閣倚巖阿綦戟駸駸向晚過麗句橫秋清憂

玉層巒臨水翠攢螺坐來星月如堪摘興入烟霞亦
自多愧莫追陪空悵望遙憐風竹舞婆娑

玉女峰

明水佳胤

意態倏然立碧漪晦明風雨總相宜空煩曹子驚鴻賦
浪詫蕭郎跨鳳詩簪髯野花春暖後臨妝曉鏡月
來時閉頭片石如移此何必英皇擅異姿

武夷紀游

明胡維霖

雲結玄關繞百盤風颭露竹翠千竿問津客乞胡麻
鉢採藥人尋石髓餐猶有乾魚傳漢祀更無駟蚪識

秦壇長生欲向高真問慚媿風塵未掛冠

秋日陪直指鮑淵張公游武夷

井序

明錢震瀧

余少時嘗夢游此山得句云憑君寄語曲中
仙子將遊今盟歲晚及茲始獲一登俯仰今
昔謾成一律

選勝誰云鮮應求采真一枕已全收竭來尚憶當年
事乘興仍銷此日愁賸有芒鞋酬接筍慚無好句荅
天游况陪霜斧經行處林壑風生萬木秋

架壑船

明孫朝讓

依稀鷓首欽崖隈云是仙人權得來風雨任權金石
固星河宜泛混濛開牽將野岸元非屋寘向坳堂應
似杯何用強人姑妄語箇中詭異竟誰猜

仲春遊武夷

明柯元芳

先春香嫩煥山容剡碧摩蒼圖画中漫道公餘遲憲
節好乘逸興訪仙踪有聲欲靜三三水無勢不奇六
六峯我亦將尋脩悟處隔巖指點淡雲籠

初入武夷

明張堯政 四首

人間何處可尋仙暫息鷺塵叩洞天歷數碧流紆九
拆直窮丹巘迥孤騫峰頭琪艸函真蛻津口桃花引
釣舩異日誅茆還此地願從太姥乞玄詮

其二

層巒如畫刺夫青衆壑奔流儼建瓴弄影水禽嬌自
語飄風漁篋遠堪聽堂開三友人何處館憇游仙夢
未醒卽此棲真堪解脫神山寧必更揚舲

再入武夷

履仿東山恣勝游高情玄對此丹丘瀑聲忽送千峯

武夷山志
雨雲氣常陰萬木秋漢碣蘿函封禪古秦壇苔鎖篆
文畱遙看風露平分處鷄犬桑麻興復悠

其二

蹬入藤蘿一徑斜紫崖丹壁老煙霞長松閒滴寒林
露古澗時芳野藻花名利繇來隨逐浪雲山到處可
停車何當卜築千峯裏洞口桃花第幾家

崇安公署懷武夷

明邵文彪
二一首

屈指遊蹤二十年芒屨初擬武夷巔似臨佳境嘗留
展若箇名山不結緣兩岸松筠封去路一溪風雨鎖
寒蟬却嫌攬勝仍增憶斗柄徒移牛女懸

其二

武夷入夢幾經秋手執裏編且臥遊

肯讀裏子
武夷新志 霧蛟

已知隨羽化閒雲應共此山畱水簾自卷晴巖雨絕
壑空藏駐楫舟谷口來韓停幾許肯餘山水意悠悠

武夷

明馬豹蔚
二一首

曲曲層巒取次分函飛飛翠藹紛紛更無凡鳥啼丹
嶂惟有寒松護白雲鏽遂吹殘虛夜月線天罅窄小
斜曛仙槎隱隱虹橋畔款乃一聲何處聞

其二

山結青葱水結紋洞門霞障晝氤氲見來墜薜低垂
露看去竒峰高入雲控鶴人歸溪自冷卧龍潭靜日
初曛丹砂豈必傳勾漏於此相從訪隱君

重游武夷

明李廷芳

霽色凌晨入望開洞天何幸更重來徑依鳥道迷青
嶂梯倚虬枝繡紫苔樵子峰頭邀鹿去羽人洞口種
桃回丹砂倘許壺中乞何用歌師奏可哀

寓天游

明張蚩蚩

卜得南山門又西門前鳳字許誰題知無雪權來旋
返縱有漁郎到亦迷一帶從前多種竹三餐以外又
蒸梨清陰飽飯成何事只解看雲聽鳥啼

萬年宮

明李

韓二首

丹丘半畝坐來閒萬壑松篁隱几間峰貌夏雲遷次
出水逢春澗祓除還卽循故道皆殊境縱縮他源亦
得山覽勝興狂拚潦倒十旬休暇不須慳

五曲書院

消却游人汗漫狂及門自覺意踉蹌神仙遺蛻翻成

武夷山志
五
司秦漢登封未足芳我亦聞風增俯仰誰從立雪問
行藏當年杖屨今林壑長假清光破夕陽

常庵

明王世濬

松影參差竹迳斜碧流如帶羽人家鶴驚清露鳴高
樹人踏丹崖摘嫩芽半隙小窓當衆岫一弓閑地護
平沙金門賜號知何處每念浮名感歲華

謁萬年宮

明鄭元師

玄都自與世塵懸高閣長廊供列仙玉簡有文留宋
字石門何處問秦年雲邊筭折丹梯度天外亭開翠

嶽連卽此息機堪問道南華空著養生篇

武夷卽事

明彭維氏

銀榜珠宮迳透迤乾魚頌祀是何時賓雲無復曾孫
宴禱雨猶傳僊子詩水面桃花流片片風前毛竹舞
猗猗溪山幾閱游人老擬向峯頭餌紫芝

洪源書堂

明熊之璋

二首

水抱山環一畝宮游人容與坐春風敢云吾道垂弓
冶猶喜徽音並華嵩陶遂空懸當日意岌趨深愧古
人風紆廻大隱屏前路灌木陰陰夕照中

文成祠乃葛屺瞻先生建邑人遂奉先生合祀
之

丹岑翠岫繞滄浪古檜修篁蔭艸堂俎豆列將蘋藻
供精英亘竝水雲長景行寧復分今昔緒論從知盡
典章姚水湖南相授受可容疎陋廁門墻

初入武夷

明王翰

十月霜飛琪樹凋溪迴九曲萬峰遙按圖不倩漁郎
引載酒何煩玉女邀聽徹金鷄醒鹿夢醉驂黃鶴上
虹橋前巖大隱尋幽勝叢桂青青夏可招

小桃源

明陸鏊

蹊窮石隘迥聞泉小澗斜通別有天百畝桑麻渾帶
雨數家鷄犬靜縈烟峯峯環抱雲容嬾樹樹蕭森暮
景鮮何必避秦忘歲月此中端可挾飛仙

小桃源

明梁煥

歷歷皆從高與深忽逢幽處喜平林非多水石偏留
日以鮮舟輿曠素心鷄犬何曾礪剝喙桑麻無恙自
森陰來過好問石堂跡不費漁郎迷路尋

友人過訪山中詩以送之

明周千秋
二首

森森灌木欲摩霄。碧荔成陰壑斷橋。有客徘徊尋石
齒。逢人指點轉山腰。到來戀我溪巖靜。別去愁他道
路遙。試向萬峯高處看。穿雲雙屐下迢迢。

山中謾題

不慣逢迎睡莫醒。四時花下戶長扃。懸巖枯樹寒猿
叫。路繞罡風過虎腥。掛壁月痕山寂寂。窺籬潭影水
溟溟。上方百八鐘聲動數到窮時起誦經。

武夷

明倪人瑞

武夷架壑有仙舟。我欲泛之紆遠愁。危石斷連藤接
路寒泉淒冷夏疑秋。封承漢祀兼秦錄。人雜高僧弁
羽流。竅是昔賢心。日曠萬峰橫。處疊烟樓。

偕友讀書四曲卽事

明虞 瑜

日接名山氣。暫幽素心同。其亦何求竒。情奔放先臨
水。古木蕭疎更感秋。興到不妨遲。月卧坐餘時許看
雲流。尋常課法難相律。謾別仙凡詠莫愁。

武夷舟泛

明程道乾

倚舷指點信黃冠。負態爭竒次第看。詰曲碧湍經九
拆。嵯峨翠巘歷千盤。砥餘丹灶雲中犬。跨向玄都月

武夷山志
下鸞却恠當年八公輩空將虛誕詫劉安

夜宿天遊觀

明衷秋月

琳宮縹緲萬峰巔呼吸遙通帝坐邊種就桃花千歲
碧採餘芝艸五雲鮮漸看新月臨瑤砌無數清歌起
画舫爲問道人容結伴日從鸞馭禮真仙

武夷紀游

明王湘

百尺飛梯倚碧霄仍穿蹬道徹岩堯曾孫綵幔雙龍
結羽客金丹九轉燒五岳更拚游汗漫北溟何用詫
逍遙步虛擬譜朝元曲招共青童品洞簫

信宿紫陽書院

明吳端

丹崖九轉溪九折巧合天工亦太奇指點峰名憑羽
客遲迴勝蹟信舟師吾生仙分寧應薄世上浮名謾
自期且向紫陽祠下宿遡將道脉叩漁伊

宿萬年宮

明趙士春

南遷何幸抵仙山本是虛皇供奉班多病祇應尋羽
客一封真足棄塵寰香風古木霞衣染苔蘚空壇鶴
夢闕入夜幔亭峯下望青重招手白雲間

登大王峰張仙洞

明劉同升

孤峰漢祀望如芝。繡幔虹橋自一時。安得披雲招白鶴，仍聞絕頂有清池。振衣欲上懸巖立，蠟屐甘爲雙眼疲。誰向空中重結搆，松梯盡處短筇支。

武夷道中賦贈李去華

明錢繼登

丹山盡處見衡門。云有今之靜者存。欲使文章風秀曠，不交流俗道孤尊。著書卒歲名新語，伏劍投人感舊思。我輩定交原自別，路傍執手不須溫。

天游觀

明周之璉

蒼崖層折玉虹流。六六群峰一覽收。黃耳卧雲丹灶濕，青精餉客茗旗浮。星如可摘霄疑近，鳥亦聲聲霧更幽。莫向昇真問仙蛻，人間原自有蓬丘。

遊武夷

明徐濬

睡龍真洞鎖烟霞。仙犬花津吠客楂。婉婉珠流迴玉篆，嶺岵雲巒剖丹葩。生將靈運王維手，乞取桃源石戶家。四卷詩瓢朝暮挹，幽竒歸向越儂誇。

武夷山志卷之十二 終

武夷山志卷之十三

東魯衷仲孺編訂

五言絕句

仙鶴巖

宋朱

熹

十四首

誰寫青田質高超
鴈鶩羣長疑風月夜
清唳九霄聞
其二

絕壁上千尋
隱約巖棲處
笙鶴去不還
人間自今古

仁智堂

我慚仁智心
偶自愛山水
蒼崖無古今
碧澗日千里

隱求堂

晨窓林影開
夜枕山泉響
隱去復何求
無言道心長
止宿寮

故人肯相尋
共寄一茆宇
山水爲留行
無勞具鷄黍
觀善齋

負笈何方來
今朝此同席
日用無餘功
相看俱努力
寒栖館

竹間彼何人
抱甕靡遺力
遙夜更不眠
焚香坐看壁
石門塢

朝開雲氣擁
暮掩薜蘿深
自笑晨門者
那知孔氏心
鐵笛亭

何人轟鐵笛
噴薄兩岸開
千載留餘響
猶疑笙簧來
釣磯

削成蒼石稜
倒影寒潭碧
落日靜垂竿
茲心竟誰識
茶竈

仙翁遺石竈
宛在水中央
啜罷方舟去
茶烟裊細香
漁艇

出載長烟重
歸來片月輕
千巖後
雀友愁絕
權歌聲

清虛堂

陰雷除已盡。山深夜還冷。獨卧清虛堂。石眠思耿耿。
其二

閒來生道心。妄遣慕真境。稽首仰高靈。塵緣亦堂屏。
棘隱庵
宋白玉蟾

苔枯綠錢老。松古清陰度。結庵卧白雲。栢子燒香晝。
靈巖一線天
張清子

一晝起于乾。先天至後天。靈巖天一線。想在伏羲前。
晚對亭
宋儀望 二首

大隱不在山。孤蹤久雲卧。誰知經濟人。晚對蒼屏坐。
仙掌峰

石壁千仞高。印痕露仙掌。可憐擎日心。誤寄枯巖上。
七曲
劉侃

峽折峰全削。風回瀑盡飛。山光并水色。載得一船歸。
出山遊武夷
明董應舉

俯視雲鳥低。仰見日月側。石磬下青冥。千山飛翠色。
其二

四日巖際眠。半生夢中境。却羨深山人。不識深山靜。

其三

此山已三游。初如不相識。不是境難窮。匆匆無所得。

仙鶴巖

明丘雲霄

仙人控鶴去。雀亦不歸來。留得雲間影。千年化石苔。

武夷紀游

明張于壘 五首

石角間樵夫。鳥道從茲去。中有化人居。只在鷄鳴處。

其二

菖蒲皆九節。靈芝常五色。仙藥遍地生。此中人不識。

其三

平田分上下。牧笛竹相隨。同村不相識。日暮各自歸。

其四

行行深又深。俯視蒼冥小。不但絕人蹤。更覺無啼鳥。

其五

桃實滿路岐。紅盡向南枝。不必逢仙人。食之也不飢。

六言絕句

武夷雜咏

明勞 堪 三首

石落閒花誰掃。紫芝仙客已老。琳宮細雨淡烟。丹灶

斜陽暮艸

武夷山志

切山

平田

行行

其五

桃實

六言

武夷

橋上虹光弄影樓前嵐色如黛金函玉檢何時流水
白雲自在

紫陽去後圖書猶在山陰溪曲白月一川啼鳥光風
數椽茆屋

山中謔興

楚和叔

遲日林中凝翠殘春溪口流丹花引漁人入洞艸具
鷄黍為餐惟說商周甲子不知魏晉衣冠桑麻一徑
歸去雲樹千山彌漫

武夷山志卷之十三終

此句作
此句作
此句作

